



SAKSPAPIR

Saksnr	Utval	Type	Dato
30/2020	Bygdeutviklingsutvalet	PS	10.11.2020

Sakshandsamar	Arkiv	ArkivsakID
Tore Henrik Øye	FE-223	20/1294

LØYVING AV BYGDEUTVIKLINGSMIDLAR TIL MYLDER GJENBRUKSBUTIKK PÅ VAKSDAL - 2020.

Vedlegg:

Søknad bygdeutviklingsutvalet

Rådmannen sitt framlegg til vedtak:

Bygdeutviklingsutvalet i Vaksdal kommune dispenserer frå søknadsfristen og løyver inntil kr. 15 000,- i bygdeutviklingsmidlar til Mylder gjenbruksbutikk, v/ Jenni Haugland. Midlane skal nyttast til å førebu oppstart og gjennomføre aktuelle aktivitetar og tiltak i butikken/ved sentertorget på Vaksdal. Tiltaka/aktivitetane skal ha ålmennyttig karakter.

Tilskottet kan dekkje faktiske utgifter og verdien av gjennomført dugnadsarbeid (a kr 300,-/t).

Løyvinga står ved lag ut 2021.

Bygdeutviklingsutvalet - Sak 30/2020

BYG - Behandling:

Kommunalsjef for samfunnsutvikling Helge Berset orienterte om saka.

Rådmannen sitt framlegg til vedtak vart samrøystes vedteke.

BYG - Tilråding/Vedtak:

Bygdeutviklingsutvalet i Vaksdal kommune dispenserer frå søknadsfristen og løyver inntil kr. 15 000,- i bygdeutviklingsmidlar til Mylder gjenbruksbutikk, v/ Jenni Haugland. Midlane skal nyttast til å førebu oppstart og gjennomføre aktuelle aktivitetar og tiltak i butikken/ved sentertorget på Vaksdal. Tiltaka/aktivitetane skal ha ålmennyttig karakter.

Tilskottet kan dekkje faktiske utgifter og verdien av gjennomført dugnadsarbeid (a kr 300,-/t).

Løyvinga står ved lag ut 2021.

Saksopplysningar:

Samandrag/konklusjon (kort om saka)

Bygdeutviklingsutvalet forvaltar kr. 500 000,- i bygdeutviklingsmidlar til fordeling etter søknad i 2020. Det er utarbeidd kommunale retningslinjer for tildeling av midlane.

Mylder gjenbruksbutikk søker om kr. 15 000,- i tilskott for å førebu oppstart, pynte opp ved sentertorget og gjennomføre ulike arrangement. Butikken skal ha tilhald i Vaksdal senter.

Rådmannen vurderer at søknaden samsvarer med bygdeutviklingsmidlane sine retningslinjer og føremål. I dette høve er innstillinga å løyve inntil kr. 15 000,- i tilskott til gjeremåla det vert søkt om, innanfor tilgjengelege midlar.

Bakgrunn for saka

Bygdeutviklingsutvalet i Vaksdal kommune har kr. 500 000,- i tilskottsmidlar til fordeling etter søknad i 2020. Kommunale retningslinjer skal liggje til grunn for tildelinga.

I søknad av 26.10.20 søker Mylder gjenbruksbutikk, v Jenni Haugland, om kr. 15 000,- i bygdeutviklingsmidlar til å førebu oppstart, pynte opp ved sentertorget og gjennomføre ulike arrangement. Butikken er registrert som ei foreining i «Enhetsregisteret». Planlagt oppstart er 24.10.20.

I følge søker er butikken ein organisasjon som skal drivast på dugnad og vere open/tilgjengeleg for alle. Føremålet er å skape trivnad, aktivitet og samhald. Innehavarane vil òg nytte sosiale medie, med mål om å vere synlege utanfor bygda.

Søknaden informerer om at det er gjennomført vesentleg dugnadsarbeid for å førebu oppstart av butikken, jf. oppsettet i søknaden. Butikken skal vere open onsdagar, fredagar og laurdagar, frå kl. 11:00-13:30. Mange har vist interesse for å stå i butikken, og å delta på dugnad.

Formelt grunnlag

Retningslinjer for tildeling av tilskot frå Bygdeutviklingsutvalet, vedtekne på møtet av 26.05.20:

- Løyving av tilskot til søknadar med søknadssum under kr. 15 000,- kan skje i kvart møte.
- Løyving av tilskot til søknadar over kr. 15 000,- skjer to gongar i året.
- Tilskotsordninga er ny, og tildelingar i tidleg fase vil kunne vere med å legge retning for kven som seinare skal kunne søkje midlar frå BU. Utvalet må derfor vurdere om innkomne søknadar er i tråd med vilkåra for tilskotsordninga.

Vurdering og konsekvensar

Søknaden om midlar kom inn etter trevekersfristen før møtet 10.11.20. Innsendinga var avklart med administrasjonen og leiar av Bygdeutviklingsutvalet. Rådmannen går inn for å gje dispensasjon frå søknadsfristen.

Innhaldet i søknaden samsvarer i hovudsak med retningslinene sine krav til innhald. Det ligg ikkje føre eit konkret budsjett for prioriterte tiltak, men oppsettet over dugnadsinnsatsen illustrerer den verdien dugnaden representerer. Det er sett opp budsjett for sjølv drifta, men sidan bygdeutviklingsmidlane ikkje kan brukast til drift, vert ikkje denne budsjetteringa lagt til grunn ved tildelingsvurdering.

Retningslinene for midlane seier at det kan gjevast tilskott til prosjekt eller aktivitetar som fremjar ålmenn nytte og trivnad, og som er tilgjengeleg for alle. I dette ligg også tilskott til materiell, utstyr og opprusting.

Av søknaden går det klart fram at føremålet med Mylder gjenbruksbutikk er å etablere ein felles møteplass, og å medverke til trivnad og aktivitet i vaksdalsbygda. Det vert lagt opp til brei involvering av innbyggjarane i drifta av butikken - på dugnadsbasis. Oppfatninga er at etableringa ber meir preg av å vere eit ideelt tiltak for felleskapet, enn kommersiell drift, med sterk miljøprofil i form av gjenbruk. Og i følgje nøkkelopplysingar i "Enhetsregisteret" skal inntekter frå salet nyttast til beste for bygda.

Rådmannen si vurdering er at tiltaket ligg innanfor føremåla som bygdeutviklingsmidlane skal fremje.

Søknaden innfrir òg retningslinene sine tildelingskriterie om geografisk spreiding ved fordeling av midlar, og at vaksdalsbygda ikkje har fått tildelingar i 2020.

Kostnaden med tiltaka det vert søkt om midlar til, er ikkje spesifisert, men rådmannen går inn for å løyve inntil kr. 15 000,- i tilskott. Utgangspunktet er framtidig dokumentasjon av faktiske utgifter og dugnadsinnsats (a kr 300,-/t.).

Konklusjon

Rådmannen innstiller på dispensasjon frå søknadsfristen, og finn at søknaden fell innanfor bygdeutviklingsmidlane sine føremål, med tildeling av inntil kr. 15 000,- i tilskott til Mylder gjenbruksbutikk. Midlane kan betalast ut i førekant av tiltaka. Vilkåret er at sluttrapport om gjennomføring og kostnader, inkludert dugnadsinnsats, vert sendt til kommunen i etterkant.